

LA PUNT



raspada da Zernez

cun las fracziuns Brail, Lavin, Susch e Zernez

da mai fin avuost 2026

Nouvas davart l'occupaziun da nossa pravenda illa Corporaziun evangelica Zernez

Mai fin avuost – Substituziun tras ravarenda Rudy van Kerckhove

Davo passa ün on cha la piazza da ravarenda in nossa raspada es vacanta, vaina pudü occupar quella parzialmaing cun üna substituziun. Ravarenda Rudy van Kerckhove es pensiunà ed abita daspö duos ons cun sia duonna a Cuoir. El es stat ravarenda in Grischun e'ls ultims 30 ons avant sia pensiun a Gossau SG. Ils ultims ons, daspö ch'el es tuornà ad abitar in Grischun, ha el güdà oura illas raspadas da Buchs SG e da la cità da Cuoir. Ravarenda Rudy van Kerckhove ha passantà sia giuventüna in Belgia ed ha lavurà là sco giuven ravarenda. Davo es el gnü sco raverenda in Grischun ed ha impris a cugnuscher qua a sia duonna. Cun ella insembel ha el abità a Gossau e davo sia pensiun a Cuoir. El surpiglia a partir dal mais mai predgias da la dumengia in nossa raspada, sco eir chüra d'ormas e per part funarals. Sias prümas predgias salva el als 10 mai a Zernez ed a Susch ed a l'ascensiun, als 14 mai a Zernez ed a Lavin. Ravarenda Rudy van Kerckhove sarà per regla il mardi in nossa raspada e dūrant il rest da seis pensum tenor bsögn o cunvegna. Causa ch'el abita a Cuoir, restan las personas da contact per nossa raspada eir dūrant il temp da substituziun il president e la secretaria.



Natüralimaing cha'l sforz per occupar lura la pravenda cun üna o ün ravarenda chi surpiglia la piazza da maniera stabla va inavant eir dūrant la substituziun da ravarenda Rudy van Kerckhove. Pero grazcha a la soluziun cun sia substituziun, ha la raspada üna persona per la chüra d'orma ed eir per organisar tuot ils cults divins dvainta quai uossa per ün temp ün pa plü simpel.



Cults divins da mai fin avuost 2026

Data	Brail	Zernez	Susch	Lavin	divers
mai 2026					
03 - 05	-	-	-	11.00 A.Schaub	
10 - 05	-	11.00 Kerckhove	09.45 Kerckhove		Di da la mamma
14 - 05		11.00 Kerckhove		09.45 Kerckhove	Ascensiun
17 - 05	Ingüna predgia				
21 - 05			11.00 J. Janett		Tschinquaisma
31 - 05		09.45 S. Guler		11.00 S.Guler	
gün 2026					
07 - 06		11.00 J. Janett	09.45 J. Janett		
14 - 06		11.00 Kerckhove		09.45 Kerckhove	
21 - 06		09.45 Kerckhove	11.00 Kerckhove		
28 - 06	Ingüna predgia Sinoda a Flem				
lügl 2026					
05 - 07		11.00 F.Häfner			Program da stà
12 - 07				11.00 Kerckhove	Program da stà
19 - 07		11.00 J. Janett			Program da stà
26 - 07			11.00 Schleich		Program da stà
avuost 2026					
02 - 08		11.00 S.Guler			Program da stà
09 - 08				11.00 Gonda	Program da stà
16 - 08	11.00 Jungen				Program da stà
23 - 08			11.00 F.Häfner		Program da stà
30 - 08		11.00 Kerckhove			Program da stà
r: liturgia e predgia in rumantsch; r/d: liturgia in rumantsch, Predigt deutsch d: Liturgie und Predigt deutsch					

Di da la mamma, dumengia, als 10 mai cun cults divins a las 9:45 a Susch ed a las 11:00 a Zernez

Sco minch'on invidaina pel di da la mamma a duos cults divins festivs, pella prüma jada cul ravarenda Rudy van Kerckhove. Tuot las mammas survegnan a la fin dal cult divin ün pitschen regal. Nus sperain da pudair bivgnantar a bleras famiglias.



Dumengia da Tschinquaisma, als 24 mai cult divin cumünaivel per tuot las fracziuns a Susch



La festa da Tschinquaisma es quella festa chi algorda al di cha'l Spiert Sonch es gnü derasà sün terra. Tschinquaisma es eir la festa da la naschentscha da la baselgia cristiana sün tuot il muond. In nossa raspada festagiaina quel di cumünaivelmaing e per üna jada na in mincha fracziun dapersai. La predgia cun Soncha tschaina salva ravarenda Jon Janett. Culla collecta da Tschinquaisma esa tradiziun illa baselgia chantunala Grischuna da verer in direcziun cumünanza cristiana sün tuot il muond. Quist on va quella collecta in collavuraziun

cun la baselgia refuormada da la cità da Cuoir a per ün proget da sustegn per la plü veglia baselgia cristiana ill'Armenia. Davo il cult divin spordschaina ün aperitiv davant baselgia.

Program da stà cun cult divin ecumenic a Gonda ed aperitiv a Brail

Daspö ons s'ha verificchà nos program da stà cun far mincha dumengia d'avuost be ün cult divin per tuot las fracziuns. Davo cha'ls ons passats d'eiran eir ils cults divins dal lügl fich mal visitats, ha il consistori decis da far quel program quist on pels mais lügl ed avuost.

Pro'l program da stà tocca eir il cult divin ecumenic a Gonda. **Als 9 avuost a las 11:00** ha lö ün inscunter cun la raspada dad Ardez-Ftan-Guarda **illa ruina da la baselgina da Gonda**. La predgia tegnan rav. Marianne Strub e pader Mathew. Il grigl es pront, la charn as piglia svesa cun sai. Salattas e bavrondas sun sportas. In cas da trid'ora ha lö la predgia illa baselgia da Lavin ed il giantar illa chasa da scoula veglia.



Il seguond cult divin special pel program da stà, es quel cun rav. Annette Jungen, ha lö **dumengia als 16 avuost a las 11:00** illa baselgina da **Brail**. Davo il cult divin vain organisà ün aperitiv.



Gratulaziun a nossas confirmandas

In dumengia da las palmas, als 29 marz ha gnü lö illa baselgia gronda a Zernez la confirmaziun. A nossas quatter confirmandas giavüschaina tuot il bun per lur via sco creschüdas e commembras majorennas da nossa raspada.

Trais eivnas plü tard han nossas 5 preparandas e nos 5 preparands pudü passantar la fin d'eivna da lavur a Basilea pro la missiun 21. Els vegnan lura confirmats l'on chi vain als 21 da marz.

L'on chi vain sun 6 dals 10 confirmands da Lavin e 4 da Zernez. Our da quel motiv saja la varianta da far per üna jada la confirmaziun da nossa raspada a Lavin.

Reservai la data pel viadi da seniors, mardi als 18 avuost 2026

Sco minch'on organiseschan las baselgias eir quist on ün viadi per seniors d'ürant l'avuost. Infuormaziuns detagliadas e la pussibiltà da s'annunzchar daraja lura sün ün fögl d'invid, chi vain tramiss d'ürant la stà. Il viadi cul auto da posta es previs per mardi als 18 avuost. La partenza sarà intuorn las 08:00 e'l retuorn tanter las 17:00 e las 18:00.



Contacts cun la raspada:

Presidi:

Hermann Thom 079 413 02 03
obain hesti@bluewin.ch

Secretariat:

Flurina Walter 079 586 12 39
obain flurinawalter@hotmail.com

Nossa homepage: <https://zernez-ref.ch>